

蕭縣志

嘉慶十九年重修

蕭縣志

本衙藏板

蕭縣志序

彭城古宋地今蕭縣卽古蕭子國也地富山水俗樸茂而士秀文有鄒魯風予慕之惜未得至其地嘉慶丁卯奉

命典試西江道出徐郡信宿卽去乙亥之春來徐視學扁試畢卽驅馬胸山則蕭縣固無因至焉又烏能知其爲名舉陝區哉則於潘子朗齋令是邑而知之朗齋予同硯友也以名孝廉歷宰劇邑後至蕭下車之始剔姦釐弊百廢具興治蒸

蕭縣志

序

蒸日上暇時以著作自娛檢舊志閱百二十餘年未加修輯爰集同人朝夕採擇逾年書成屬予序之嗟乎天地之大山川之廣豈耳目所能窮哉凡人屐齒所經每自詡爲探異搜奇及至一地又闢一境而知局於當前之一邱一壑者妄也予至彭城於水見黃河之大且深於山見雲龍之峻而幽及得是志而讀之曠如奧如恍若置身山水窟中而疲於應接豈不快哉夫蕭僅一邑耳推而至一郡推而至一省其人愈廣

蕭志適成予維地方牧令皆所以佐

聖天子治民者也自古有治人無治法道爲千古不易法則與時變通後之人苟能讀是編而師其意則戢暴兼以勸善衛民卽以寓兵必有神明於保甲之中而可以備保甲所未及者作志之功顧不偉與若其攷覈精詳事增文簡則固素承家學根柢深醇而平時實心實政惠愛及民又無待予之揚摧也是爲序

嘉慶二十年歲次旃蒙大淵獻孟春上浣知江

蕭縣志

序

二

南徐州府事喀喇沁音德和書於彭城郡署之逍遙堂

蕭縣志序

周禮大司徒之職掌天下土地之圖周知九州之地域廣輪辨其山川邱陵墳衍原隰而比閭族黨之法行焉是卽各邑志乘之權輿而後世保甲所由昉也夫志乘爲一邑全書乃古今寶鑑保甲爲當時功令實弭盜良規二者相須不可偏廢俗吏闇於治體視爲迂遠而濶於事情彼其所務在催科所工在粉飾至叩以戶口之登耗風俗之淳漓人民之良莠或有未能了然者徐之屬蕭爲最近昔人所稱土沃利興山深俗朴者也閱其志自康熙年間纂修距今且百二十餘年矣吳興朗齋潘君自江都再莅是邑以爲道里遼濶奸宄易生河患頻仍今昔殊制非續加編纂則得失於何考鏡乃援古証今悉心而采輯之會前歲奉

蕭縣志

序

一

旨申明保甲之令造煙戶冊立十家牌子是里居繁衍村落畸零莫不絲牽繩貫使守望者相爲助逋逃者無所容遠近之間釐然各正而潘君之

其事愈繁其責愈重將何以撫摩而噢咻之哉  
潘子勉乎哉果能在其位謀其政

為

國家宣勞下爲士民錫福迨政成俗美然後取省  
志而修之洋洋乎著作之庭得失之林更可播  
休譽而垂無窮潘子勉乎哉至於風土人民政  
治以及古今沿革變遷之蹟詳哉其言之矣何  
贅焉

嘉慶二十年歲次乙亥孟夏四月中浣

賜進士及第

蕭縣志

序

二

欽命工部左侍郎提督江蘇全省學政歸安王以銜  
撰

蕭縣志序

邑志者志一邑之山川風土人民政治以見古今變遷得失之故也蕭縣處萬山之中岡巒起伏四圍如環探其幽峭類多奧區名勝故其士敦樸而淳茂其民質直而好義古所稱地近鄒魯習俗相同誠非虛語然而襟帶碭豐錯峙永宿道里遼濶姦宄易生豈風教之果異抑良莠有不同也且蕭向稱澤國淇汴二水爲之經流姬村永固諸湖爲之瀦蓄東南半境都患沮洳自黃流奪汴水挾沙行時有衝決及水退歸槽而千頃溲淵淤爲平陸近百餘年間黃河異漲復益以洪閘兩河每一漫溢或汙萊之地變爲蕭縣志

序

宸衷仰邀

惠典蠲賑頻施是邑之民受患最深亦受

恩最渥不爲之編輯成書則凡形勢之阻安戢之難田賦之殊  
饑饉之薦

膏澤之多何以昭示後人資鏡來者爲是邦陳其利害哉然則

邑志之修當務爲急余於己巳春莅任茲邑卽索縣志讀之其書已閱百二十餘年之久前後易轍今乃異於古所云然亟思重輯之案牒旁午亦未遑暇迨癸酉冬自江都奉調復來始與邑士大夫共謀纂集閱一歲而書成夫志乘之大端在乎紀綱時務經緯人倫必使一邑利弊如指掌之示觀火之洞不徒粉飾藻繪矜人文山水之靈已也抑更有說者志書之體與史家義同而例異史家褒貶予奪嚴於一字以上承筆削大權志則於徵文考獻之中仍寓隱惡揚善之意今我

皇上命在廷諸臣續修一統志直省大吏亦有增修通志之舉

蕭縣志

序

二

用是下邑聞風輯爲是書以成一方典要其古今變遷得失之故鑿鑿具在而善善從長其義亦嘗竊取焉後之君子或不以余言爲河漢否

嘉慶十九年歲次甲戌十一月旣望知蕭縣事吳興潘鎔序

蕭縣志後序

蓋自南陽風俗奉爲光武之書吳郡圖經類續致能之筆  
故沛取節士爲傳益部以耆舊得名莫不繪藻方隅裁量  
人物郡縣之志繇是遞興我師 朗齋先生出宰百里濟  
美三岑石刻鄭陂花栽潘縣旣循聲之騰涌實風雅爲主  
持紅燈乙夜細檢殘編綠酒千鴟劇譚故事奈何兔園舊  
草已荒梁苑之詞蝨簡遺聞盡蝕羽陵之跋發懷古之幽  
情迺無徵而不信於是棲神倚奧宅心典墳放覽山川恣  
訪耆宿六轡在手千腋成裘歐陽史事增於前裴松之注  
稱爲補固已操南史之直筆闡東觀之幽經矣且夫河漢

蕭縣志

序

正房心之界風雲直豐沛之交縣分秦氏國附宋都地形  
爭南北諸朝風氣兼東西兩楚參差古堞一片斜陽蒼莽  
羣山四圍覆盎秋冷扶陽之壘春耕汴水之隄佛狸帳前  
黃河奔吼寄奴宅畔碧草芊緜仙人則飛渡層巒詞客亦  
虛傳疑冢至於讀費君之碑寫駱丞之頌彭城三里大有  
名流宇文六闕世標孝友作者相望大雅爲羣下及婦孺  
均持名教若夫金石成錄詩歌升堂晁无咎拱翠之記陳  
無己以渠之篇弁冕藝林膾炙人口凡此悉宜屬撫詎厭  
獮陳然而李充著作之郎自然條貫溫公資治之例不廢  
羣材譬之太師作樂鼗磬各奏爾能亦猶秋儲誨人方郢

偶窺其巧學淵趨陪絳帳獲附青雲始偕同郡金芝生無  
錫顧商塘兩同年各受指陳分編體類無何商塘先爲西  
蜀之行芝生旋返南轅之駕鄭國以裨謚屬草思廉入祕  
院成書勉剽餘論幸覩全斑史經筆削及門莫贊一詞言  
詢芻蕘愚者或矜千慮云爾

嘉慶甲戌十二月下旬寶山沈學淵謹序

蕭縣志

凡例

一 大清一統志縱覽九野橫沂八埏壯

皇輿於章亥列地理之稗瀛體裁惟謹詳簡得宜允是志家之要領其次江南通志折衷有法考核稱詳亦爲盡善然一邑之書較是二者大小懸絕膠柱而鼓其響難宣因少加損益期於不悖大旨而已

一 舊志間有引錄均不註明出處易涉混淆茲凡有採輯必註原書或在每條之首或在每條之末或在標

蕭縣志

凡例

題之下各視其所宜其得之現今採訪者以新增二字別之至所采原文容以篇幅太冗或節去數句若數字則有之如妄加添改則吾豈敢

一 舊志畧於考訂如以汴渠混滎陽之水以紅亭仍魯菟之文以宗襄爲內族襄之名以唐扶陽爲漢扶陽之地主蕭世家一篇尤爲支離穿鑿茲各加校正庶有裨於一二歟

一 舊縣地濱黃河古多水患前明潘尚書

國朝靳文襄施力河渠恒惓惓於斯土爰詳採其說俾覽者知所擇取焉附以現在事宜不敢專泥古意云爾

一職官選舉古今制度不一既倣史家表體編年橫覽仍於每類之首錄書數十條以明沿革之故

一人物傳大意本諸史體但鋪張太甚轉恐失實故寧簡毋繁他如朱浮劉粹諸人既有史傳自宜直錄全篇毋須摘取又人物均有門類仍各註小字以別之一婦人之德最爲幽潛茲與採訪諸君詳加蒐輯審所取裁別爲貞烈賢孝完節三類而以才媛壽婦附之自謂悉心編次然聞見之外正恐不能無漏也閱者諒諸

一藝文志祇採書目不得已而編錄詩文亦取其有關

蕭縣志

凡例

二

事蹟可以鏡古或游覽山川足以考證與操選家命意不同也其今人著作因爲體例所限雖有珠璣均從割愛

一舊志強列八景搜求傳會殊乖大雅茲亟爲芟蕪補以名勝諸圖如天門山黃桑峪之屬幽邃峻削亘古不做者也其以八景形諸咏歌者量錄數什以存其詩

一自舊志迄今百二十餘年時代遼遠雖採訪諸君亦有立定哀指隱桓之嘆且篋中書籍無多或有疑義一時未能確證此中疎漏之病知所不免踵而增之

尚俟博雅君子

蕭縣志

凡例

三

蕭縣志

修輯姓氏

纂修

江蘇徐州府蕭縣知縣卽陞同知知州潘 鎔

校理

蕭 縣 儒 學 教 諭王森堂

蕭 縣 儒 學 訓 導席存慤

分查

署 蕭 縣 管 河 主 簿王宗沂

蕭 縣 張 山 司 巡 檢楊 標

蕭 縣 典 史林國華

蕭縣志

修輯姓氏

一

同纂

寶 山 縣 庚 午 科 舉 人沈學淵

嘉 定 縣 庚 午 科 舉 人金鳳藻

無 錫 縣 庚 午 科 舉 人顧 翰

分輯

直隸正定府知府前翰林院庶吉士任銜蕙

前甘肅狄道州知州候補直隸州知州縱司燁

前 安 徽 石 埭 縣 知 縣祖光本

加知府銜河南開封府下北河同知張協鼎

東 河 候 補 知 州張崇鼎

直隸武強縣知縣閻樹

東河候補通判張鳳紀

山東候補知州縱家鸞

山東候補通判張學會

戊辰科進士周榮組

癸酉科舉人侯金楷

採訪

歲貢生吳鍾濂

歲貢生王昌毅

歲貢生徐開垣

蕭縣志

修輯姓氏

二

拔貢生縱其鵬

附貢生縱開裕

廩膳生周紹祖

廩膳生章雲錦

廩膳生單汝明

廩膳生王路

廩膳生張洲士

廩膳生謝荷

增廣生趙思聰

增廣生張學中

生

員歐陽立

生

員李步雲

生

員祖甸書

監

生楊開泰

襄校

上

元

縣

生

員吳本源

浙

江

烏

程

縣

生

員張崇烈

浙

江

歸

安

縣

生

員高秉桂

浙

江

安

吉

縣

生

員潘淦

浙

江

歸

安

縣

監

生陳埴

蕭縣志

修輯姓氏

三

繪圖

河

南

蘭

陽

縣

布

衣劉自青

監刊

江

寧

縣

監

生王日華

蕭縣志卷首

圖目

蕭縣全境圖

蕭縣舊境圖

縣城圖

縣署圖

學宮圖

龍城書院圖

蕭境河道圖

子張子墓圖

蕭縣十二勝境圖

天門山	黃桑峪	聖人廟	三仙臺
聖泉寺	白茅岡	子貢山	五洞山
龍駒嘴	箕谷		
霧豬泉	畫巖		

蕭縣志

卷首

圖目

蕭縣全境圖

